

Nazgyaz Cunghsinhyau Dwzyuz Guhgoek Sonhag Guhcawj Cizlieng Banhhag

德育为首 教学为主 质量立校

——Geiq Dwzbauj Yen Nazgyaz Cunghsinhyau Cuengh Gun Song Saw Vah Sonhag Cingzgvang

□ bonjbauq gicej Luj Sauh



▲ Hagseng seiz roengdzangz hai dennauj hwnjmuengx hag cihsiz moq.

▲ Laeuzsonhag moqsak ndongqrongh, hawj hagseng sim'onj doegsaw.

◀ Hagseng ngonzyawj sonhag loegsiengq, cinbu vaiqraeuh.



▲ Yienh Sawcuengh Hagdangz yaucangj Nungz Yimeiz daengz hagdangz cazyawj sonhag daengj cingzgvang.

Nazgyaz Cunghsinhyau dieg youq mbiengj baihsae yangh cwngfuj, seiqhenz cungj dwg Mbanjcuengh, gyauejvunz Bouxcuengh ciemq 98%. 1912 nienz hainduj banhhag, hagdangz ciemq dieg menciz 10.7 moux, dwg aen hagdangz geiqninz ndeu. Lai bi gvaqdauej itcig swncienz aen yenzcwz “dwzyuz guhgoek, sonhag guhcawj, cizlieng banhhag” neix, laebhwnj le aen “aeu dwz laeb vunz, cienzmienh fazcanj” hagdangz fungheiq.

Nazgyaz Cunghsinhyau seizneix miz 430 boux hagseng, 14 aen ban. Miz lauxsae cienmonz sonsaw 28 boux, ndawde miz 5 boux dwg bwnjgoh, 18 boux daconh, 5 boux dwg cunghconh, lauxsae habgeklwd dabdaengz 100%. Youq sonhag ndawde, hagdangz genhciz “ungganq guhgoek”, “denva sonhag” itcig dwg gij daegsaek aen cunghsinhyau neix. Ndaw hagdangz ciep doeng le 4M gvanghlanj gvanhdai, caemh-caiq haidoeng le yauyenz vangj, seizneix miz 24 daiz dennauj, 12 gan gyausiz ancang baenz dohmeizdij gyausiz. Cizgiz senjsoengq lauxsae okbae “cungdienh”, gij lauxsae “cungdienh” dauqma le, sij ok haujlai sonhag gingniemh lunvwnz cizlieng gig sang. Sam bi gvaqdauej, ca mbouj lai miz gaenh bak bien sonhag gingniemh lunvwnz youq sengj(gih), si fazbyauj roxaeuz ndaej ciengj gvaq.

Geij bi dauej, hagdangz cibfaen yawjnaek beizyangj hagseng gosong daegdiemj. Moix haggeiz cungj gaengawq hagseng haenggyaez bae haibanh sonhag swheiz, mbehung yinlen, yawjdoeg caeuq sij faenz

cijdauej, Yinghiy bak gangj doxcam doxdap, dwkgeiz, sij suhfaz, veh veh, singhyoz, lanzgiuz, binghbanghiuz daengj ithaehlied hanghmoeg hozdung. Bi 2009 ndwen 6, youq daengx yienh cungh siujyoz gvangibo dijcauh doxdax ndawde aeundaej siujyozcuj youhsiuciengj, doengzseiz aeundaej Dwzbauj Yen Gaiq Daih' it Cungh Siujyoz (youwzyenz) Caizyi Canjyenj Siujyozcuj Cunghabloih sam daengj ciengj; bi 2009 ndwen 11 aeundaej Dwzbauj Yen Cungh Siujyoz Binghbanghiuz Doxidax Siujyozcuj Mehmbwk Donzdi sam daengj ciengj. Ndaw hagdangz gonqlaeng miz song bak lai boux hagseng ndaej gikfat rengzndumj, youq gak cungj gak loih doxdax ndawde, haujlai boux hagseng ndaej ciengj.

Hagdangz daj 2012 nienz yozcenzbanh hwnj hai miz Cuengh Gun song saw vah ngeihloih mosik sonhag. Anbaiz gij lauxsae miz Sawcuengh sonhag gingniemh haenx dauej son. Lai bi dauej, sonhag cingzcik onjdwt daezsang. Moix haggeiz satbyai goh Sawcuengh doengjit gaujsi bingzyaenz faensoq cungj baiz youq doengzloih hagdangz vih doekgonq; youq bi 2013 ndwen 12 ngoenz 13 Yienh Sawcuengh Hagdangz Langjduz Doxidax ndawde, Cwng Liveiz, Cwng Liyungz song boux hagseng faenbied aeundaej daengx yienh cuj nienzgaep daemq daih' it, daihngieih mingz; bi 2014 ndwen 4 ngoenz 25, yienh Sawcuengh Hagdangz lingjdauej youq aen hagdangz neix gawjbanh Daengx Yienh Sawcuengh Sonhag Dandauejgoq, aeundaej yauqoj haemq ndei; bi

2014 ndwen 6 ngoenz 9, youq Daengx Yienh Gangj Gojgaeq Doxidax ndawde, Cwng Liyungz doengzhag aeundaej daengx yienh daih' it mingz, Vangz Liveiz, Vangz Lisangj song boux doengzhag faenbied aeundaej daihngieih mingz. Cuengh Gun song saw vah sonhag cwnzggoj hainduj youq ndaw aen hagdangz neix cienz bae coh seiqhenz lajmbanj, ndaej daengz sevei gak gyaiq haenh ndei.

Hong sonhag dwg gij hoenz hagdangz, sonhag cizlieng dwg gij goek hwng hag haenx. Nazgyaz Cunghsinhyau youq gyagiengz “goggaij moq” doengzseiz, genhciz goqcwngz moq leixniemh caeuq saedguh doxgiethab aen yenzcwz neix, gaijcaenh lauxsae sonhag hingzveiz. Vihliux baujcwng gyauyuz caeuq sonhag cizlieng, hagdangz cungfaen leihyungh gij gangganj cozyung cizyau gunghsw de dauej diuhdoengh moix boux lauxsae cizgizsing. Sojmiz lauxsae saedhengz bingqnyaemh cidu, hengzguh yaucangj fucwzci, saedhengz aen gaujbingz gihci “bouxak hwnj, bouxgik roengz” neix. Dangqnaj, aen hagdangz neix gaeng habbaenz ceng doekgonq, lau lotlaeng, gamj bae soengqhawj aen fwnveiz ndei neix. Sonhag cizlieng itcig ndaej baiz youq doengzloih hagdangz vih daih' it. Hagdangz youq bi 2006 ndaej Yienh Sevei Cianh Cunghab Ceihleix Veijyenzveiz soengq hawj “Bingzan Hagdangz” aen cwnghauh miznaj neix; bi 2008, 2009 laebdaeb song bi ndaej yenveij yen cwngfuj, yangh cwngfuj soengq hawj nienzdoeh hong sonhag “Senhein Danhvei” cwnghauh najrongh……



▲ Sausenhduei hozdungsiz.



▲ Aen bakdou hagdangz.